



*Minggu, 13 November 2022*

**Ogen: Kuan-kuanen 27:7-10**



*"Mulih Ku Rumah"*



**S**epenggal lirik lagu arah Wizz Baker ngataken “*Tahun berganti tahun, waktu mengajakku tumbuh dewasa, banyak suasana telah berubah karena hukum dan tuntutan dunia. Rindu memaksaku untuk kembali menengok kenangan masa kecilku yang penuh cinta dibalut kehangatan, kini aku t’lah jauh berada. Rindu rumah, aku rindu pulang, rindu yang tersayang, ayah dan ibu. Rindu rumah, aku rindu pulang, rinduku disayang sanak saudara.*”

Perasaan rindu/tedeh ate mulih ku rumah banci maba keriahen man keluarga. Kalak si tedeh atena mulih ku rumah tentuna banci ngurangi perubaten ras perselisihen ndehara ras perbulangen bage pe orangtua ku anak-anak.

Salah sada indikator keluarga si harmonis e me litna ketedehen ate guna lalap mulih ku rumah gelah banci jumpa ras keluarga, nuri-nuri man keluarga i bas situasi si enggo sibentasi tupung kita erdahin i darat rumah entah pe anak-anak i sekolah.

Paksa tenengta wari enda ningetken kita uga pentingna nginget keluarga/jabu. “Kalak si nadingken rumahna, bali kap ras perik nadingken asarna.” Ayat enda jadi sada persinget si mbelin kal man banta jaman gundari enda. Melala pasangan lanai lit ketedehen atena mulih ku rumah erkiteken nggo riahen akapna i darat ngurusi pendahin entah pe karierna, bage pe anak-anak lanai atena tedeh mulih ku rumah erkiteken i rumah la lit inganna lako nuriken keluh kesahna entah pe orangtua sibuk ras urusen.

Marilah si evaluasi dirinta, “uga sibukna pe kita erdahin entah ngayaki karier i darat rumah, tetaplah singet maka lit kap jabunta/pasangenta/anak-anakta si nimai kita i rumah.” Perik si nadingken asarna, banci saja asar e jadi sontar erkiteken la iperdiateken, entah i ganggu binatang buas. Jabu si kurang iperdiateken pe banci sontar erkiteken lanai lit ketedehen ate.